

և յաւել ծանուցանել նմա թէ չորք 'ի միաբանաց Երուսաղէմի՝ անկարգութիւն ինչ գործեալ աստ յեկեղեցւոջ՝ ժողովով արտաքսեցան 'ի մէնջ . եթէ այդը եկեցցեն նոքա՝ զբուշասցիս 'ի նոցանէ : Հասին չորս միաբանք 'ի Կոստանդինուպոլիս , չարախօսելով 'ի ճանապարհի զՄինաս վարդապետէ , և յանդիման եղեն Աւետիք վարդապետի , և 'ի հարցանել նորա գորպիսութենէ Մինաս վարդապետի և զմիաբանացն . նոքա՝ սկսան բազում բանիւք ամբաստան լինել զնմանէ և ծանր ծանր երդամբք հաստատէին՝ զոր խօսէինն . ասէ ցնոսա Աւետիք , զայդ ամենայն զոր ասէքք , կարէք վկայել և հաստատել առաջի ժողովրդեան եւս , և նոքա ասեն՝ ոչ միայն առաջի ժողովրդեան՝ այլ և առաջի մեծի Արքայի եւս համարձակիմք ասել : Եւ 'ի չարախօսել եւս ուխտաւորաց եկելոց յԵրուսաղէմէ , զոր լուեալ էին 'ի ճանապարհի 'ի չորից միաբանաց անտի , գրգռեցան ոմանք 'ի վարդապետաց , և բազումք 'ի Կեսարացի հիւսանց՝ ընկենուզ զՄինաս յաթոռոյ , և դնել 'ի տեղի նորա զՄատթէոս Կեսարացի՝ Սարէ ասացեալ , ընկեցեալն 'ի Կաթոլիկոսութենէ Սոյս : Իբրեւ լուաւ զայս Աւետիք վարդապետ՝ գրեաց սաստ առ Մատթէոս գնալ 'ի տեղի իւր . և առեալ զչորեսին նախայիշեալ միաբանսն և զբազում վարդապետս և երիցունս , ել նոքօք հանդերձ վեղար 'ի գլուխ ամենեցուն՝ յատեան թագաւորին , և մատուցին թուղթ աղաչանաց՝ որ ունէր օրինակ զայս :

Մեք ամենեքին եկեղեցականք և զլիաւորք ազգին Հայոց , յայտ առնեմք զգոհունակութիւնս և զվստահութիւնս մեր , զոր ունիմք 'ի վերայ Աւետիք վարդապետի , որ այժմ Պատրիարք է 'ի Կոստանդինուպոլիս . զի նա գոլով հմուտ և տեղեակ ամենայն հանգամանաց օրինաց մերոց , կարէ հսկել և պահպանել զայն ըստ ժամանակին , և հաւատարմութեամբ բարւոք կատարել զօրէնս մեր , և պահել զամենայն ազգն Հայոց . չլինել երբէք հետեւող Լատին կրօնի , որոյ վասն խնդրեմք 'ի բարերար Արքայէդ չնորհել սմա ընդ Պատրիարքութեան Կոստանդինուպոլսոյ և զՊատրիարքութիւն Աթոռոյն Երուսաղէմի : Եւ թագաւորն առաքեաց ցնոսա առ Եպարքոսն . և նորա լուեալ